

«Շիրակացու ճեմարան»
միջազգային գիտակրթական համալիր

ՀԱՆՐԱՊԵՏԱԿԱՆ ՀԱՆՐԱԿՐԹԱԿԱՆ ԲԱՑ ՕԼԻՄՊԻԱԴԱ
2025-2026

Պատմություն (8-րդ դասարան)



Անուն Հայրանուն Ազգանուն _____

Դպրոց _____

Դասարան _____ Խումբ _____

1. Ե՞րբ է տեղի ունեցել Շահ Աբասի կողմից հայերի բռնագաղթը: (0,25)

ա) 1555 թ. բ) 1590 թ. գ) 1604 թ. դ) 1639 թ.

2. Ո՞ր պայմանագրով է Ռուսաստանին անցել Արևելյան Հայաստանը: (0,25)

ա) Բուխարեստի բ) Գյուլիստանի գ) Թուրքմենչայի դ) Ադրիանապոլսի

3. Ո՞ր թվականին Կիլիկիայի հայկական իշխանությունը դարձավ թագավորություն: (0,25)

ա) 1080թ. բ) 1375թ. գ) 1198թ. դ) 1254թ.

4. Ի՞նչ է նշանակում մանուֆակտուրա: (0,25) _____

5. Ինչպե՞ս էին կոչվում Արցախում ստեղծված ռազմական ամրությունները: (0,25)

ա) բերդաքաղաքներ բ) սղնախներ գ) դղյակներ դ) զորանոցներ.

6. Ե՞րբ է Թեոդորոս Ռշտունին կնքել պայմանագիր Մուսվիայի հետ. (0,25)

- ա) 652 թ. բ) 640 թ. գ) 661 թ. դ) 639 թ.

7. Ո՞ր քաղաքում է լույս տեսել հայերեն առաջին տպագիր գիրքը՝ «Ուրբաթագիրքը»: (0,25)

- ա) Փարիզ բ) Վենետիկ գ) Վիեննա դ) Հռոմ

8. Ե՞րբ է Մեծ Հայքը բաժանվել Հռոմի և Սասանյան Պարսկաստանի միջև: (0,25)

- ա) 301 թ. բ) 354 թ. գ) 387 թ. դ) 428 թ.

9. Հայ ազատագրական պայքարի ներկայացուցիչներից ու՞մ մասին են հուշումները, նշեք Հայաստանի ազատագրության վերաբերյալ նրա կողմից գրված ծրագրերի անունները: (1,0)

- Մասնակցել է Էջմիածնի և Անգեղակոթի գաղտնի ժողովներին:
 - Հանդիպել է Ռուսաստանի ցարի հետ:
 - Ղեկավարել է Պարսկաստան գնացող ռուսական պատվիրակությունը:
-

10. Ու՞մ մասին են ստորև հուշումները, քրիստոնեական եկեղեցու ո՞ր ճյուղի հիմնադիրն է հանդիսանում: (1,0)

- Ռեֆորմացիայի հիմնադիրներից է:
 - Պայքարել է Հռոմի պապերի կամայականությունների դեմ:
 - Գերմանիայի Վիտենբերգ քաղաքի համալսարանի պրոֆեսոր էր:
-

11. Լրացրու բաց թողնված բառերը: (1,0)

- Գյուլիստանի պայմանագրով Ռուսաստանին անցավ Արևելյան Հայաստանի զգալի մասը, բայց _____ և _____ խանությունները դեռ մնացին Պարսկաստանի տիրապետության տակ:
- Հայկական մարզը կառավարվում էր _____ վարչության կողմից:
- Խրիմյան Հայրիկը Բեռլինի վեհաժողովի մասին ասում էր, որ Հայաստանի շերեփը _____ էր:
- Բեռլինի պայմանագրի _____ հոդվածը վերաբերում էր հայկական հարցին:

13. Ճանաչիր նկարը. (2,0)

- ա. Հայկական ո՞ր պետության զինանշանն է:
- բ. Ե՞րբ է այդ պետությունը ստեղծվել:
- գ. Նշիր հայտնի արքաներից մի քանիսին:
- դ. Որտե՞ղ էր գտնվում այդ պետությունը:



14. Ճանաչիր նկարը. (2,0)

- ա. Ո՞վ է նկարում պատկերված անհատը:
- բ. Ո՞ր իրադարձությունից հետո եկավ իշխանության:
- գ. Ո՞ր երկրի վրա հարձակումը ճակատագրական եղավ նրա համար:
- դ. Ի՞նչ հայտնի կոչումներ/պաշտոններ է նա ունեցել:



15. Աշխատանք սկզբնաղբյուրի հետ: Կարող ես հարցին պատասխանել նաև շարադրելով: (2,0)

«Մեծ իշխան Կոստանդինը համոզեց կաթողիկոսին ու այլ մեծամեծներից ոմանց՝ թագավորեցնելու իր մանուկ որդիի Հեթումին, որ մարմնապես առույգ էր ու տեսքով գեղեցիկ: Իսկ թագուհին [Զաբելը] չհամայնձայնվեց մանկանը կին դառնալ, ըմբոստացավ գնաց Մելնկիա այնտեղ գտնվող ֆրանկների [խաչակիրների] մոտ, որովհետև նրա մայրը [Լևոն I-ի կինը] ազգով ֆրանկ էր՝ Կիպրոս կղզուց: Իսկ Կոստանդինը առավ բոլոր զորքերը, պաշարեց քաղաքը, մինչև որ ստիպված թագուհուն հանձնեցին նրան: Տարավ նրան ամուսնացրեց իր որդու հետ»:

1. Ո՞ր թվականին են տեղի ունեցել սկզբնաղբյուրում նշված իրադարձությունները:
2. Ո՞ր արքայատոհմի հիմնադրման մասին է:
3. Ու՞մ դուստրն էր Զաբել թագուհին:
4. Ի՞նչ պաշտոն էր այդ ընթացքում զբաղեցնում մեծ իշխան Կոստանդինը:

16. Աշխատանք սկզբնաղբյուրի հետ: Կարող ես հարցին պատասխանել նաև շարադրելով: (2,0)

«Հաշվի առնելով, որ ռուսական գործերի դուրսբերումը նրանց կողմից գրավված Հայաստանի՝ Թուրքիային վերադարձվելիք վայրերից, կարող է այնտեղ առիթ տալ բախումների և բարդությունների, [...] Բարձր Դուռը [Օսմանյան կայսրության կառավարությունը] պարտավորվում է անհապաղ կենսագործել հայաբնակ մարզերի տեղական կարիքներից հարուցվող բարելավումներ և բարենորոգումներ, և ապահովել հայերի անվտանգությունը քրդերից և չերքեզներից»:

1. Ո՞ր պայմանագրի մասին է խոսքը, ո՞ր պատերազմի ավարտից հետո է այն կնքվել:
2. Ե՞րբ և ո՞ր պետությունների միջև է այն կնքվել:
3. Այդ պայմանագրի ո՞ր երոքը հողվածից է մեջբերումը:
4. Ի՞նչ լրացուցիչ տեղեկություններ գիտես պայմանագրի մասին:

17. Լրացրո՛ւ՝ Արշակունյաց Հայաստանի պետական կառավարման համակարգի գործակալությունների վերաբերյալ աղյուսակը: (2,0)

Գործակալություն	Ղեկավարող ոլորտ	Հիմնական գործառույթ
Սպարապետություն		
Հազարապետություն		
Մաղխագություն		
Մեծ դատավարություն		

Սևագրություն